

Pengurusan UA pantau jerebu

Kuala Lumpur: Semua universiti awam (UA) di seluruh negara masih memantau tahap keseriusan jerebu di lokasi masing-masing sebelum membuat keputusan menangguhkan aktiviti dan akademik.

Setakat ini, Universiti Putra Malaysia (UPM), Universiti Sains Malaysia (USM) dan Universiti Sains Islam Malaysia (USIM) sudah menangguhkan semua sesi pembelajaran semalam, berikutan Indeks Pencemaran Udara (IPU) di kawasan itu yang masih berada pada tahap sangat tidak sihat.

Menurut pekeliling UPM yang dikeluarkan kepada Dekan Fakulti dan Pengetua Kolej supaya memaklumkan kepada pensyarah dan pelajar bahawa sesi kuliah hari ini (semalam) ditangguhkan.